



Sistema de indicadores de lonxeidade

Resumo de resultados 12/05/2023

Índice

Introdución.....	1
Indicadores demográficos.....	2
Indicadores sociais e educativos.....	7
Indicadores sanitarios.....	12
Indicadores laborais e económicos.....	15

Introdución

A lonxeidade, entendida como a duración da vida do ser humano, incrementouse de forma espectacular durante todo o século XX e segue avanzando no século XXI. O envellecemento poboacional é un dos temas que máis preocupa actualmente en Galicia, precisamente por ser unha das rexións nas que este fenómeno se presenta con maior intensidade no territorio español e europeo.

O grupo de poboación que se pode identificar co distintivo “persoa maior” precisa de información específica, desde distintos ámbitos: demográfico, social, educativo, sanitario, laboral e económico. Con esta operación estatística o IGE presenta un [conxunto de indicadores](#) sobre os individuos de 65 ou máis anos que pretende ofrecer unha visión da situación actual deste colectivo.



Indicadores demográficos

A porcentaxe de poboación de 65 ou máis anos con respecto ao total de poboación de Galicia aumenta ano tras ano. Na actualidade representa o 26,1% (ano 2022) e as previsións apuntan a que se situará no 32,4% no ano 2037.

Porcentaxe de poboación de 65 ou máis anos

Unidade: %

Espazo	2022	2037
España	20,1	26,0
Galicia	26,1	32,4
- A Coruña	25,5	31,8
- Lugo	29,7	35,3
- Ourense	31,8	36,5
- Pontevedra	23,6	30,7


Fonte: IGE. Indicadores demográficos; IGE. Sistema de indicadores de lonxevidade ([descarga da táboa](#))

Un indicador utilizado para medir a evolución deste colectivo no tempo é o denominado "índice de envellecemento", que relaciona a poboación de 65 ou máis anos con respecto a cada 100 persoas menores de 20 anos. Mentres que en España este indicador na actualidade toma valores en torno a 100, en Galicia presenta un continuo incremento ata o valor 167,3 no ano 2022; as previsións apuntan na mesma dirección de incremento na seguinte década, chegando a tomar valores superiores a 251 no ano 2037.



Evolución do índice de envelhecimento. Galicia

Unidade: tanto por cento (%)




Fonte: IGE. Indicadores demográficos; IGE. Proxeccións de poboación a curto prazo (descarga da serie ata 2022 e dende 2023-2037 (datos proxectados))

A estrutura do grupo de persoas de 65 ou máis anos varía no tempo. Mentres que no ano 2022 o colectivo de 70 a 74 anos representa o 22,2% das persoas de 65 ou máis anos, as previsións indican que no ano 2037 este rango de idades perderá peso no colectivo ata o 21,8%. De aquí a 2037 gañará peso o colectivo de 80 a 84 anos pero, pola contra, o de 85 ou máis anos, tamén diminuírá: do 20% ao 19,6%.

Estrutura por grupos de idade da poboación de 65 ou máis anos. Galicia.

Unidade: porcentaxe (%)


Ano 2022



Fonte: IGE. Indicadores demográficos (descarga da serie ata 2022)

Ano 2037

Unidade: porcentaxe (%)




Fonte: IGE. Sistema de indicadores de lonxevidade (descarga da táboa (datos proxectados))

Outro indicador que mide habitualmente a estrutura deste colectivo é o “índice de sobreenvellecemento”, que calcula a porcentaxe que representa a poboación de 85 ou máis anos sobre o grupo de 65 ou máis anos. No ano 2022 este indicador tomou o valor de 20 en Galicia e 17 en España.

Evolución do índice de sobreenvellecemento. Galicia

Unidade: tanto por cento (%)




Fonte: IGE. Indicadores demográficos; IGE. Proxeccións de poboación a curto prazo (descarga da serie ata 2022 e dende 2023-2037 (datos proxectados))

Unha das preocupacións que xorde a raíz do envellecemento dunha poboación é como se incrementa a denominada poboación en idade potencialmente dependente; o “índice de dependencia senil” calcula cantos individuos de 65 ou máis anos viven nun territorio por cada 100 persoas en idade potencialmente activa (de 15 a 64 anos). Este indicador en Galicia presenta un incremento continuo nos últimos anos e grandes diferenzas entre ambos os dous sexos.



Evolución do índice de dependencia senil segundo o sexo. Galicia

Unidade: tanto por cento (%)




Fonte: IGE. Indicadores demográficos; IGE. Sistema de indicadores de lonxeidade (descarga da serie ata [2022](#))

Indicadores sociais e educativos

Os galegos de 65 ou máis anos viven maioritariamente en fogares compostos unicamente por persoas dese grupo de idade. No ano 2019 diminuíu a porcentaxe de persoas de 65 ou máis anos que viven maioritariamente en fogares compostos unicamente por persoas dese grupo de idade con respecto ao ano anterior, pero volveu aumentar no ano 2020. No 2021 diminuíu lixeiramente de novo.

Persoas de 65 ou máis anos que viven en fogares con todos os seus membros nese grupo de idade. Galicia

Unidade: porcentaxe (%)



Fonte: IGE. Enquisa estrutural a fogares ([descarga da táboa](#))

A provincia de Ourense é a que presenta maior porcentaxe de persoas de 65 ou máis anos que viven en fogares con todos os seus membros neste grupo de idade.



Persoas de 65 ou máis anos que viven en fogares con todos os seus membros nese grupo de idade. Galicia

Unidade: porcentaxe (%)


Espazo	2011	2021
Galicia	54,8	56,2
- A Coruña	52,3	57,9
- Lugo	57,5	51,6
- Ourense	63,8	62,6
- Pontevedra	52,5	53,4

Fonte: IGE. Enquisa estrutural a fogares ([descarga da táboa](#))

Por outra parte, os fogares compostos por persoas de 65 ou máis anos son maioritariamente unipersoais.

Tipoloxía dos fogares compostos por persoas de 65 ou máis anos. Galicia. Ano 2021

Unidade: porcentaxe (%)




Fonte: IGE. Enquisa estrutural a fogares ([descarga da táboa](#))

O estado civil máis habitual tanto en Galicia como en España das persoas de 65 ou máis anos é o de "casado"; esta porcentaxe aproxímase ao 60% en Galicia e mesmo supera esta porcentaxe en España.

Distribución da poboación de 65 ou máis anos segundo o estado civil. Ano 2022

Unidade: porcentaxe (%)




Fonte: IGE-INE. Enquisa de poboación activa ([descarga da táboa](#))

En canto ao nivel educativo alcanzado polas persoas de 65 ou máis anos, é inferior en Galicia a porcentaxe de persoas sen estudos, denominados na clasificación da *Enquisa de poboación activa (EPA)*, fonte desta información, como "Analfabetos", con respecto ao total de España.

Distribución da poboación de 65 ou máis anos segundo o nivel de formación alcanzado. Ano 2022


Unidade: porcentaxe (%)



Fonte: IGE-INE. Enquisa de poboación activa ([descarga da táboa](#))

Porcentaxe de persoas de 65 a 74 anos que durante 2022 usou internet

Unidade: porcentaxe (%)




Fonte: INE. Encuesta sobre equipamiento y uso de tecnologías de la información y comunicación en los hogares ([descarga da táboa](#))

Moi relacionado co nivel de formación alcanzado é o uso das TIC por parte do colectivo de persoas maiores. Nas seguintes gráficas pode consultarse o uso de internet e do comercio electrónico por parte das persoas de 65 a 74 anos no último ano dispoñible.

Porcentaxe de persoas de 65 a 74 anos que durante 2022 usou o comercio electrónico

Unidade: porcentaxe (%)



Fonte: INE. Encuesta sobre equipamiento y uso de tecnologías de la información y comunicación en los hogares ([descarga da táboa](#))



Indicadores sanitarios

As principais causas de defunción das persoas de 65 e máis anos en Galicia, segundo a Clasificación Internacional de Enfermidades (CIE) 10ª revisión, son as enfermidades do sistema circulatorio e os tumores.

Defuncións de persoas de 65 ou máis anos segundo a causa. Galicia. Ano 2021

Unidade: porcentaxe (%)

Causa	Ambos sexos	Homes	Mulleres
I Enfermidades infecciosas e parasitarias	6,1	6,5	5,7
II Tumores	23,5	29,4	18,0
III Enfermidades do sangue, órganos hematopoiéticos e inmunidade	0,5	0,5	0,6
IV Enfermidades endocrinas, nutricionais e metabólicas	2,8	2,5	3,2
V Trastornos mentais e do comportamento	7,5	4,9	10,0
VI-VIII Enfermidades do sistema nervioso e dos órganos dos sentidos	5,0	4,4	5,5
IX Enfermidades do sistema circulatorio	30,5	27,7	33,1
X Enfermidades do sistema respiratorio	9,5	10,7	8,3
XI Enfermidades do sistema dixestivo	4,7	4,7	4,7
XII Enfermidades da pel e do tecido subcutáneo	0,5	0,4	0,6
XIII Enfermidades do sistema osteomuscular e do tecido conxuntivo	0,7	0,5	0,9
XIV Enfermidades do sistema xénitourinario	3,8	3,3	4,2
XV Embarazo, parto e puerperio	0,0	--	0,0
XVI Afeccións orixinadas no período perinatal	0,0	0,0	0,0
XVII Malformacións conxénitas, deformidades e anomalías cromosómicas	0,1	0,1	0,1
XVIII Síntomas, signos, achados anormais clínicos ou de laboratorio	1,6	1,1	2,0
XX Causas externas de mortalidade	3,2	3,4	3,1

Nota: (–) Non procede.

Fonte: INE. Defunciones según la causa de muerte ([descarga da táboa](#))

A estancia hospitalaria media das persoas de 65 ou máis anos é inferior en Galicia con respecto ao total de España en todos os grupos de idade, agás no primeiro, no de 65 a 74 anos.

Estancia hospitalaria media de persoas de 65 anos ou máis. Ano 2021

Unidade: días

Idade	España	Galicia
De 65 a 74 anos	9,5	9,7
De 75 a 84 anos	10,3	10,0
De 85 a 89 anos	11,1	9,5
De 90 a 94 anos	11,4	9,8
De 95 anos e máis	12,9	8,9

Fonte: INE. Encuesta de morbilidad hospitalaria ([descarga da táboa](#))

Por grupos de idade, as causas predominantes nos individuos menores de 80 anos son os tumores, mentres que as enfermidades do sistema circulatorio son máis frecuentes nas defuncións de persoas de 80 anos e máis.

Defuncións de persoas de 65 ou máis anos, segundo grupo de idade e causa. Galicia. Ano 2021

Unidade: porcentaxe (%)

Idade	Tumores	Enfermidades do sistema circulatorio	Outras causas
65 a 69 anos	51,9	18,6	29,4
70 a 74 anos	44,2	21,1	34,5
75 a 79 anos	36,9	24,2	38,9
80 a 84 anos	27,2	28,5	44,4
85 a 89 anos	18,3	31,9	49,8
90 a 94 anos	12,9	35,8	51,3
95 ou máis anos	7,2	39,3	53,5

Fonte: INE. Defunciones según la causa de muerte ([descarga da táboa](#))

A esperanza de vida aos 65 anos en Galicia, entendida como unha estimación do promedio de anos que lle queda por vivir a unha persoa que chega con vida aos 65 anos no ano de referencia, no caso de que as condicións de mortalidade se mantivesen constantes e semellantes ás do ano de referencia, situouse en 2021 en 21,7 anos.

Esperanza de vida aos 65 anos. Ano 2021


Unidade: anos

Espazo	Ambos sexos	Homes	Mulleres
Galicia	21,7	19,4	23,7
- Pontevedra	21,8	19,4	23,9
- Ourense	22,0	19,8	24,1
- Lugo	21,6	19,8	23,4
- A Coruña	21,5	19,2	23,5

Fonte: IGE. Indicadores demográficos; INE. Indicadores demográficos básicos (descarga da táboa)

Evolución da esperanza de vida aos 65 anos segundo o sexo. Galicia

Unidade: anos



Fonte: IGE. Indicadores demográficos (descarga da táboa)



Indicadores laborais e económicos

O 1,6% da poboación activa galega pertencía no ano 2022 ao grupo de idade de 65 ou máis anos (en España, 1,4%), segundo os datos extraídos da EPA. Por outra parte, o colectivo de persoas de 65 ou máis anos inactivas representa o 60,7% do total de persoas inactivas en Galicia.``

Porcentaxe que representa a poboación de 65 ou máis anos, segundo a relación coa actividade económica. Galicia. Ano 2022

Unidade: porcentaxe (%)

Actividade	Ambos sexos	Homes	Mulleres
Activos	1,6	1,7	1,5
- Ocupados	1,7	1,8	1,6
- Parados	0,5	0,5	0,7
Inactivos	60,7	59,7	61,4


Nota: (-) indica que non se dispón do indicador por falta de observacións na mostra

Fonte: IGE-INE. Enquisa de poboación activa ([descarga da táboa](#))

O número de pensionistas de 66 ou máis anos en Galicia supera o medio millón de persoas desde o ano 2009, segundo a información da AEAT.

Número de pensionistas de máis de 65 anos. Galicia

Unidade: persoas



Fonte: Agencia Estatal de la Administración Tributaria. Mercado de trabajo y pensiones en las fuentes tributarias ([descarga da táboa](#))

O importe medio anual desas pensións é superior no grupo de idade de 66 a 75 anos (16.928 euros) que no de 76 anos ou máis (13.119 euros) en Galicia, segundo a información relativa ao ano 2021.

Importe medio anual das pensións. Ano 2021

Unidade: euros


Espazo	Ambos sexos	Homes	Mulleres
De 66 a 75 anos			
- España	18.893	21.329	16.016
- Galicia	16.928	19.339	14.271
Maior de 75 anos			
- España	14.984	17.749	12.828
- Galicia	13.119	15.284	11.549

Fonte: Agencia Estatal de la Administración Tributaria. Mercado de trabajo y pensiones en las fuentes tributarias ([descarga da táboa](#))



Pensión media anual dos pensionistas de máis de 65 anos. Galicia

Unidade: euros



Fonte: Agencia Estatal de la Administración Tributaria. Mercado de trabajo y pensiones en las fuentes tributarias ([descarga da táboa](#))

Pode consultarse o proxecto desta estatística na seguinte ligazón:
<https://www.ige.gal/estatico/pdfs/s3/proxectosTecnicos/21-103SistemaDeIndicadoresDeLonxevidade.pdf>



Para máis información:

Instituto Galego de Estatística

Complexo Administrativo San Lázaro s/n

15703 Santiago de Compostela (A Coruña)

Contacto:

<https://www.ige.gal/web/peticioninfo.jsp?paxina=005006001&idioma=gl>

Teléfono de información: 981 54 15 89 (de 9 a 15:00 h.)

Fax: 981 54 13 23

Sitio web: <https://www.ige.gal>